


Show fenomenal



ORANJESTAD—Como fenomenal a ser cualificá e show di vuurwerk cu Ling and Sons Supermarket a tene ayera nochi pa henter pueblo di Aruba. Esaki ta e di tres biaha cu e supermarket aki ta realizá e show di vuurwerk aki. Nos por bisa cu for di 9'or ora cu e show a cuminzá Aruba a keda semi paralizá, pasobra cantidad di hende a bai for di tempran p'asina haya un bon lugar pa apreciá e buniteza aki. Riba Sasakieweg miles di auto tabata pará ambos banda di caminda y ora e show a caba e congestion tabata tremendo, pero tur cos a bai trankilo sin ningun novedad.



PARKE DI LUZ BLOEMOND: E bunita pesebre aki ta forma parti di e decoracion di luz c'un grupo di bisiaña a traha pa haci di e parke di luz Bloemond un di e sitionan mas bishitá durante e temporada festivo aki. Mas informacion riba pagina 8

Segun Michael Kuiperi Esnan cu a haya voto di confianza mester demostrá responsabilidad awor

Pagina 2

No tin cama pa mas hende na Aruba

ORANJESTAD—Ayer a un grupo di turista Brasileño tabatin dificultad pa haya kamber den cualkier hotel di nos país. Intervencion di polis a ser solicitá p'asina trata di haya un solucion pa e problema aki, pero tur hotel tabata yen. Nan a trata di haya contacto cu algun funcionario di AHATA p'asina nan por duna un colaboracion pa e caso special aki. □

Gilberto Feliciano, ganador di Festival di Dande '97



PARADERA—Riba e combinacion di potret aki nos por mira mas riba e ganador di e festival nacional di Dande 1997 kende a resultá, Gilbert Feliciano mientras cu Helen Arends a gana den damas. Nos lector por lesa pagina 15 pa haya mas informacion riba e evento tradicional aki di tur Fin di Aña. □

Gilbert Feliciano, ganador di Festival di Dande 1997

PARADERA - Manera ta e custumber di tur Fin di Aña, a organizá e competencia nacional di Dande 1997 den cual a sali como ganador Gilbert Feliciano den cabayero y Helen Arends den damas. Ademas di esey den e categorianan di Cancio Típico y Propio Composicion a sali como vencedor Tipico Arubano y Vicente Kelly respectivamente. E competencia cu a tuma lugar den Club Caiquetio na Paradera a conta cu un asistencia grandi público y tambe e transmision di canal 24 CSS. E resultado completo pa Festival Típico, Propio Composicion, Dande tanto pa dama como tambe cabayero lo sali publica den nos próximo edicion. □

